



**Broj: T18 0 KT 00 12276 18**  
**Brčko, 27. novembar 2018.godine**

Sukladno odredbi člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, p o d i ž e m:

## OPTUŽNICU

**Protiv:**

**O.M. ...**

**Što je:**

Dana 05. aprila 2018.godine, oko 15,10 sati, na magistralnom putu M14/1 Brčko - Lončari, u ulici Plazuljska bb Brčko distrikt BiH, upravljao putničkim motornim vozilom marke "Passat" tip 3C registarskih oznaka ..., vlasništvo O. T., krećući se iz pravca Brčkog prema mjestu Lončari brzinom oko 61 km/h, svjestan da je dužan kretati se desnom stranom i vozilo držati u kretanju što bliže desnom rubu kolovoza, te da je prilikom mimoilaženja dužan sa svoje lijeve strane ostaviti dovoljno rastojanje između vozila kojim upravlja i vozila s kojim se mimoilazi, pa je tako olako držeći da do saobraćajne nezgode neće doći, protivno odredbi člana 39. stav (1) i (2) i člana 55. stav (1) Zakona o osnovama sigurnosti saobraćaja na putevima u Bosni i Hercegovini, vozilom skrenuo u lijevu kolovoznu traku kojom se u tom trenutku, uz središnju razdjelnu liniju, iz pravca mjesta Lončari prema Brčkom, kretalo teretno vozilo marke "Citroen" tip Y registarskih oznaka ... sa priključnim vozilom marke "Ifor Wilams" registarskih oznaka ... kojim je upravljao D.M., te lijevim čeon-bočnim dijelom vozila ostvario kontakt sa lijevim pneumatikom, blatobranom i vratima teretnog vozila marke "Citroen", usljed kog sudara, te pucanja prednjeg lijevog pneumatika je D.M. izgubio kontrolu pri upravljanju, posljedično čemu je teretno vozilo prešlo na suprotnu kolovoznu traku i ostvarilo kontakt sa putničkim motornim vozilom marke "Fiat" tip Punto registarskih oznaka BG – 774-XY, kojim je upravljao R.M., a gdje se na mjestu suvozača nalazila R.A., pri kom sudaru kao posljedici sudara koji je nastao između putničkog motornog vozila "Passat" i teretnog vozila marke "Citroen" je R.A. zadobila tešku tjelesnu povredu u vidu preloma desne ključne kosti, preloma VII – og lijevog rebra, preloma unutrašnjeg gležnja potkoljenice u predjelu skočnog zgloba i preloma V – e kosti doručja lijeve šake bez pomjeranja ulomaka,

dakle, kao učesnik u saobraćaju na putevima koji se ne pridržava saobraćajnih propisa, iz nehata, ugrozio javni saobraćaj i doveo u opasnost život ljudi, pa je zbog toga kod drugog nastupila teška tjelesna povreda,

čime je počinio krivično djelo – Ugrožavanje javnog saobraćaja – iz člana 326. stav (3) u vezi sa stavom (1) Krivičnog zakona Brčko distrikta BiH.

\*\*\*

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica